


ქრისტესთვის წამებუდნი

საქართველოს იმედი (წიგნი XXI)

2014-05-01



საქართველოს იმედი (ნომერი XXI)

წმინდა	დიდმოწამე	შუშანიკი
წმინდა	დიდმოწამე	კონსტანტი კახი
წმინდა	დიდმოწამე	მიქელ-გობრონი

წმინდა მოწამე მირდატ მეფე
წმინდა მოწამე მეფე ვახტანგ მესამე
წმინდა მოწამე ქრისტეფორე გურული
წმინდა პროხორე ქართველი
წმინდა დუკა მუხაიისძე
წმინდა ნიკოლოზ დვანი
წმინდა მამა ქაიხოსრო ქართველი
წმინდა იოანე, სტეფანე და ესაია ქართველები
წმინდა სადომე ქართველი

პროექტის რედაქტორი - თამარ მამაცაშვილი
შემდგენელი - ვახაბერ კენკიშვილი
სტილისტი - სადომე ნიკოლეიშვილი
კორექტორი - ნატო ტორიშვილი
გარეკანის დიზაინი - ეთერ გმირიშვილი
კომპიუტერული უზრუნველყოფა - დევიან დაცაბიძე

© გამომცემლობა პალიტრა L, 2013
მის.: თბილისი, იოსებძის ქ. №49
www.palitra.ge
E-mail: book@palitra.ge; ტელ.: 238-38-71

2011 წლის 25 დეკემბერს საქართველოს საპატრიარქოდან წმინდა სამების ტაძარში გადაასვენეს ახალშექმნილი „საქართველოს იმედის“ ხატი. უწმინდესმა და უნეტარესმა, სრულიად საქართველოს კათოლიკოს-პატრიარქმა, მცხეთა-თბილისის მთავარეპისკოპოსმა, ბიჭვინთისა და ცხუმ-აფხაზეთის მიტროპოლიტმა ილია მეორემ იმ დღეს ასე მიმართა მრევლს:

„ღიდება და მადლობა უფალს, რომ ღირსი გაგვხადა, შექმნილიყო ეს ხატი - „საქართველოს იმედი“. ის ღვთის მადლითა და ძალით იქნება სასწაუდმოქმედი და ყოველ ადამიანს, რომელიც სარწმუნოებით, სიმდაბრით, სიყვარულით მიეახლება, აღუსრულდება თხოვა და ღოცვა. ამ ხატის მადლით ღმერთმა დადოცოს, გაახაროს, გაამდიანოს და დაამშვიდოს სრულიად საქართველო. ამ ხატის მადლით ღმერთმა დააბრუნოს ქართველი ხალხი უცხოეთიდან საქართველოში. ამ ხატის მადლით ღმერთმა გვაცხოვნოს ჩვენ, ამინ;“

ჩვენი პროექტის მორიგი წიგნი წმინდა მოწამეებს ეძღვნება. წიგნი ორნაწიდიანია, პირველ ნაწილში გავიხსენებთ „საქართველოს იმედის“ ხატზე გამოსახულ წმინდა მოწამეებს.

წმინდა დიდმოწამე შუშანიკ დედოფალი (№44);
წმინდა დიდმოწამე კონსტანტი ვახი / კონსტანტინე ქართველთა მთავარი (№45 და №202);
წმინდა დიდმოწამე მიქელ-გობრონი (№41 და №228);
წმინდა მოწამე მირდატ მეფე (№48);

წმინდა მოწამე მეფე ვახტანგ მესამე (№54);
წმინდა მოწამე ქრისტეფორე გურული (№150);
შემდეგ გავიხსენოთ იერუსალიმში მოღვაწე და აღსრულებული ქართველები: წმინდა
პროხორე ქართველი (№92.);
წმინდა ღუკა მუხაისძე/იერუსალიმელი (№187);
წმინდა ნიკოლოზ დვარი (№188);
წმინდა მამა ქაიხოსრო ქართველი (№75);
წმინდა და მართლმადიდებელი ქრისტეს საფლავის მცვენი: წმინდა იოანე (№199),
წმინდა სტეფანე (№220) და წმინდა ესაია (№194) ქართველები;
წმინდა საღვთო ქართველი (№179).

წმინდა შუშანიკ დედოფალი

V საუკუნის II ნახევარი, საქართველოს ეკლესიისა და სომხეთის გრიგორიანული ეკლესიის წმინდანი. ხსენების დღე 17 ოქტომბერი (ძვ. სტილით).

წმინდა შუშანიკი წარმოშობით მიეკუთვნებოდა უძლიერეს სომხურ ფეოდალურ ოჯახს -
მამიკონიანთა საგვარეულოს, რომელსაც VIII ს-ის 80-იან წლებამდე უპირველესი
ადგილი ეკავა სომეხ წარჩინებულ საგვარეულოთა შორის. შუშანიკის მამა, სომეხთა
სახელგანთქმული მხედართმთავარი, ვარდან მამიკონიანი, იყო შვიდიშვილი წმ.
საპაკ დიდისა და შთამომავალი არშაკიდთა საგვარეულოს მეფეებისა. ვარდან
მამიკონიანი სათავეში ედგა სომეხების აჯანყებას მაზდუნიანური სპარსეთის
წინააღმდეგ და გამორედა დაეცა სპარსელების წინააღმდეგ გამართულ ბრძოლაში 451
წელს (ე.წ. ვართანანცის ბრძოლა). ვარდანი სომხეთის გრიგორიანული ეკლესიის
მიერ წმინდანად არის შერაცხული.

წმინდა შუშანიკის მეუღლე იყო ვარსქენი, ქვემო ქართლის პიტიახში (მმართველი,
ერისთავი), ძე არშუშა პიტიახისა. წმინდა შუშანიკსა და ვარსქენ პიტიახში
ჰყავდათ სამი ვაჟი და ერთი ქალიშვილი.

წმინდა შუშანიკისა და ვარსქენ პიტიახის ოჯახი ცხოვრობდა ქვემო ქართლის
საპიტიახშოს ადმინისტრაციულ ცენტრში, დაბა ცურტავში, რომელიც მდებარეობდა
დღევანდელ ბორჯომისა და რუსთავს შორის, მდინარეების - მაშავერასა და ხრამის
შესართავთან.

467 წელს წმინდა შუშანიკის მეუღლე, ქვემო ქართლის პიტიახში ვარსქენი,
სპარსეთის მეფის, პეროზის (459-484 წწ.) სამეფო კარზე გაემართა და სრული
მორჩილება გამოუცხადა მას. მეფე პეროზისათვის ერთგულების დამტკიცების მიზნით
ვარსქენმა უარყო ქრისტიანობა და მაზდუნიანობა (იგივე ცეცხლთაყვანისმცემლობა)
აღიარა, რომელიც იმხანად სპარსეთში გაბატონებულ რელიგიას წარმოადგენდა.
სპარსეთთან კავშირი ვარსქენ პიტიახში კიდევ უფრო განამტკიცა მეფის ასურზე
ქორწინების პირობით და აღუთქვა პეროზს, რომ შუშანიკს - თავის „ბუნებით“
მეუღლესა და შვილებსაც მიაღებინებდა მაზდუნიანობას.

სპარსეთიდან დაბრუნებულ ვარსქენს წმინდა შუშანიკმა მტკიცე უარი განუცხადა
მაზდუნიანობის მიღებაზე და სიცოცხლის ბოლომდე დარჩა ერთგული ქრისტიანული
სარწმუნოებისა.

ვარსკენი არაერთხელ შეეცადა თავისი მეუღლის სულიერი სიმტკიცის გატეხას მოციქულების მიგზავნით, სიტყვიერი მუქართა თუ სასტიკი მოპყრობით. პიტიახში რამდენჯერმე სცემა თავის მეუღლეს განსაკუთრებული სისასტიკით, სახადხოლ შეურაცხყო იგი, მაგრამ მისმა ყველა ცდამ ამაოდ ჩაიარა; ბოლოს ვარსკენმა ციხეში დაამწყვდია წმინდა შუშანიკი, სადაც მან სრული ექვსი წელი გაატარა. ციხეში წმინდა შუშანიკი ცხოვრობდა ისე, როგორც ქრისტიანი ასკეტი - დოცულობდა, მარხულობდა და ხორცის დათრგუნვით ზრუნავდა სულის გადარჩენაზე. აშუშანიკმა ციხეშივე შეიტყო, რომ მისმა შვილებმა უღადატეს ქრისტიანულ სარწმუნოებას და მამლუხების მიმდევარი გახდნენ, რამაც უდიდესი ტკივილი მოჰგვარა მას. ამის შემდეგ დედოფალს შვილების სახელის ხსენებაც კი აღარ უნდოდა. შვილებიც უფროსობდნენ დედას - მანამდე ისინი ხშირად დადიოდნენ დედის სანახავად საპატიმროში, მამლუხების მიღების შემდეგ კი სირცხვილით ვეღარ ბედავდნენ დედასთან გამოჩენას.

წმინდა შუშანიკის სიმტკიცემ და ქრისტიანული სარწმუნოების ერთგულებამ მას შორს გაუთქვა სახელი. პიტიახში მეუღლესთან იწყეს მოსვლა მნახველებმა - დიდებულმა აზნაურებმა და უბრალო ხადხმა. აქვე გამოაჩინა წმინდა შუშანიკმა სასწაულთა აღსრულების უნარიც - იგი დოცვით კურნავდა მასთან მისულ ავადმყოფებს.

ციხეში ცხოვრების სასტიკმა პირობებმა და ადგილობრივმა არაჯანსაღმა ჰავამ დალი დაასვა დედოფლის ჯანმრთელობას - პატიმრობის მეშვიდე წელს წმინდა შუშანიკი მძიმედ დაავადდა. მომაკვდავ შუშანიკთან გამოსათხოვებლად მივიდნენ ერისკაცები და სამღვდელთა წარმომადგენლები. მათ შორის იყვნენ ვარსკენის ძმა, ჯოჯიკი მთელი თავისი ოჯახობით, აფოც და იოანე ეპისკოპოსები, დედოფლის პირადი მოძღვარი იაკობ ხუცესი.

გარდაიცვალა წმინდა შუშანიკი 475 წელს 17 ოქტომბერს. დედოფლის ანდერძის თანახმად, მისი ნეშტი უნდა დაეკრძალათ იმ ადგილზე, სადაც იგი პირველად გამოათრია მისმა მეუღლემ, ვარსკენ პიტიახში. გარდაცვლილი შუშანიკი დიდი პატივით მიაბარეს მიწას.

წმინდა შუშანიკის გარდაცვალების შემდეგ არც ვარსკენ პიტიახში უცოცხდია დიდხანს: სომეხი ისტორიკოსის, დაზარე ფარპეის ცნობით, 484 წელს იბერიის ქრისტიანმა მეფემ, ვახტანგ გორგასადმა, დაატყვევა ვარსკენ პიტიახში, რომელიც მტანჯველი და სამარცხვინო სიკვდილით აღესრულა ტყვეობაში იმავე წელს.

წმინდა შუშანიკის სულიერ ღვაწლსა და მის მოწამებრივ აღსასრულზე მოგვითხრობს ჰაგიოგრაფიული ჟანრის თხზულება „წამებად წმიდისა შუშანიკისი დედოფლისაჲ“, რომლის ავტორია იაკობ ხუცესი (იგივე იაკობ ცურტაველი), დედოფლის პირადი მოძღვარი.

ჩვენამდე მოაღწია „შუშანიკის წამების“ ორმა ქართულმა რედაქციამ. ერთი მათგანი, ე.წ. გრძელი რედაქცია, V საუკუნეშია შექმნილი; მეორე, მოკლე რედაქცია, თარგმნილია სომხურიდან და შემონახულია ერთადერთ ხელნაწერში, რომელიც X საუკუნით თარიღდება (მისი სომხური დედანი, თავის მხრივ, ქართულიდანაა ნათარგმნი). გარდა ამისა, არსებობს კიდევ გვიანდელი, ანტონ I კათალიკოსის დაწერილი მარტვილობა, რომელიც შეტანილია მის თხზულებაში „მარტირიკა“ და მოკლე, ე.წ. სვინაქსარული რედაქცია, რომელიც მოღწეულია XVIII საუკუნის ხელნაწერით.